




Materialnan deportivo pa Sidney Ponson Charity Foundation a yega Aruba



ORANJESTAD (AAN) – Expelotero di Grandes Ligas a lanta Sidney Ponson Charity Foundation den aña 2021 pa haci soño di varios muchanan un realidad. Si man pasa a yega Aruba un cargamento remarcabel di materialnan deportivo, specialmente pa deporte di Baseball y Softball. A logra esaki cu cooperacion di tambe ex pelotero Milton Croes y un compania local. Esaki ta stap mas pa mira e sonrisa di felicidad riba un grupo grandi di mucha aki na Aruba,” Ponson a bisa.

Ta papia aki di materialnan manera glove, bala, bat, etc. Tur cu ta necesario cu mucha y hobennan por subi veld sin mester spera pa presta material di otro. E logra aki ta danki na e apoyo ricibi for di comunidad durante e eventonan cu SPCF a organisa den 2021. “Mas apoyo e comunidad brinda na nos eventonan, mas mucha feliz Aruba lo conoce,” el a bisa. Recientemente Ponson tabatin un encuentro cu Minister di Deporte Endy Croes y presidente di Parlamento

mr. Edgar Vrolijk, kendenan semper a brinda apoyo na ekiponan deportivo. Croes a bisa cu e ta masha contento cu e invitacion ricibi for di e fundacion na momento di habri e materialnan cu a yega, cu cooperacion for di instancianan na Atlanta y Missouri. El a compronde for di e fundacion cu ta bay regala mas cu 200 gloves, spikes, catcher set, bat y tur ta nobo nobo. E mandatario a bisa cu “Nos ta masha contento cu nos a wordo invita pa desplega e materialnan nobo nobo. E tabata

un trabou inmenso realisa. Nos ta apoya 100% e tipo di iniciativanan aki cu ta yuda e hoben y ekiponan cu no tin e recursonan pa compra e materialnan aki.”

Ta spera cu esaki por ta ehempel pa otro instancianan coopera cu e mas di 24 federacion competitivo na Aruba. Curason di cada un di e miembronan di e fundacion aki ta na e caminda corecto y nan ta stima deporte. A logra convence multinacionalnan na Merca pa yuda e mucha y hobennan di Aruba.

Presidente di Parlamento mr. Edgar Vrolijk tabata mes contento cu Minister di Deporte cu e iniciativa di Sidney Ponson Charity Foundation. E ta un tremendo trabou cu e fundacion ta haci. E invitacion di e fundacion, el a splica, tabata pa muestra con serio nan ta traha pa yuda deportistanan

hoben di Aruba. “Sidney Ponson a muestra seriedad cu e trabou di su fundacion.”

Presidente di Parlamento na mesun momento a bisa cu mester bay evalua den futuro e forma con ta cobra na impuesto di entrada pa produccionan deportivo principalmente si nos muchanan ta e materialnan gratis. Aworaki e impuesto ta mas halto pa por ehempel un trofeo cu un articulo di diamante. Esaki ta stapnan cu sigur cu mester traha riba dje y haci cambio pa oportunidadnan pa nos hobenan sigui ricibi material cu nan mester pa por train y den futuro bira deportistanan grandi den exterior.

Cu yegada di e materialnan deportivo cu a yega Aruba ta un soñonan di Sidney Ponson cu a bira realidad. E meta ta pa mira mas mucha riba veldnan deportivo.

Nos Historia Nos Herencia

E prome tereno di futbol na Aruba den añanan 20



Ta bon pa bisa si cu no ta solamente futbol tabata practica ariba e tereno aki pero tur otro tipo di actividad manera weganar popular durante aña di La Reina.

E sitio di e tereno tabata den Hendrikstraat loka ta awe e Corte di Husticia.

Compila pa Roberto Croes
Nos Historia Nos Herencia